

Innkalling av Ungdomsrådet

Møtedato: 01.06.2021

Møtestad: Heradsstyresalen på Rådhuset

Møtetid: 14:00 – 16:00

Det er hovudmedlemmane som er innkalla. Varamedlemmer møter berre etter beskjed frå Josefin.

Dersom du ikkje kan delta på møtet må du melde i frå til Josefin A. Vevle om dette, du kan sende e-post til josefin.vevle@osteroy.kommune.no eller tekstmelding på 46400973.

Sakliste

Saksnummer:	Tittel:
20/21	Godkjenning av innkalling og sakliste
21/21	Godkjenning av møteprotokoll*
22/21	Helsestasjon for ungdom*
23/21	Planprogram: kommunedelplan for idrett, friluftsliv og fysisk aktivitet
Saker med * er det vedlegg til.	
Orienteringssaker:	Tittel:
1	Oppsummering av status på tidlegare saker
2	Plan for vidare arbeid i ungdomsrådet

27.05.21

Josefin A. Vevle

Koordinator og sekretær for ungdomsrådet



Møteprotokoll for Ungdomsråd

Møtedato: 11.05.2021

Møtestad: Heradsstyresalen

Møtetid: 14:00 – 16:00

Frammøtte medlemmer	Rolle:	Representant frå:
Sebastian Gran Reigstad	Nestleiar	OVGS
Theodor Solheim Gjenga	Medlem	DUO
Vegard Brakvatnet Wie	Medlem	OUS
Johannes Tepstad Sylta	Medlem	OUS
Tia Dilara Lona Atinpinar	Varamedlem	OUS
Lukas Bysheim Isvik	Medlem	Idrett
Elise Vevle	Medlem	Kultur

Andre som deltok på møtet:

Josefin A. Vevle (koordinator og sekretær for ungdomsrådet)

Nina Rødseth, rådgjevar på OVGS

Vidar Tufteland, rektor på OVGS

Trude Tomren, styreleiar i Sommar på Osterøy

Silje Solberg, koordinator for Sommar på Osterøy

Sakliste

Saksnummer:	Tittel:
17/21	Godkjenning av innkalling og saksliste
18/21	Godkjenning av møteprotokoll
19/21	Vedtekter Osterøy Ungdomsråd
Orienteringssaker:	Tittel:
1	Orientering om OVGS sitt arbeid
2	Sommar på Osterøy

Orientering: Koordinator for Ungdomsrådet, Josefin Vevle, orienterte kort om status på tidlegare saker ungdomsrådet har arbeid med.

17/21: Godkjenning av innkalling og saksliste

Innkalling og saksliste vert godkjent.

11.05.21 – Ungdomsråd

UR- 17/21 – Vedtak:



Innkalling og saksliste med vert godkjent.

18/21: Godkjenning av møteprotokoll

Møteprotokoll blir godkjent.

11.05.21 – Ungdomsråd

UR- 18/21 – Vedtak:

Møteprotokoll blir godkjent.

19/21: Vedtekter Osterøy Ungdomsråd

Vedtektsendringer må godkjennast av heradsstyret etter innstilling frå ungdomsrådet.

Informasjon:

Koordinator for ungdomsrådet, Josefin Vevle, går gjennom kva vedtekter og innstilling er. Ho har utarbeid eit utkast til nye vedtekter, på bakgrunn av ungdomsrådet sine innspel og kommentarar. Noko ungdomsrådet er opptatt av er at informasjon til ungdomsrådet må vere tilpassa deira aldersgruppe. Koordinator ber dei om å seie ifrå om det er ord eller uttrykk som bør skiftast ut i teksten, for å vere betre alderstilpassa.

11.05.21 – Ungdomsråd:

Behandling:

Etter individuell gjennomlesing av sakspapira, har alle moglegheit til å komme med spørsmål og kommentarar. Sebastian Gran Reigstad kjem med innspel på at uttrykket «med heimel i» er vanskeleg å forstå, og bør formulerast på ein anna måte.

I felles drøfting kjem det forslag om: Dersom ungdomsrådet gjennom behandling av saka, vedtek å sende innstilling til heradsstyret, får koordinator får i «oppdrag» å endre denne formuleringa, for å sikre at teksten er meir tilpassa ungdom.

Lukas Bysheim Isvik peiker på at det med valperiode var litt uklart, og kjem med forslag om at det bør vere valfritt å sitte i 2 år om gangen. Han peiker på at det vanskeleg for medlem å vurdere kva det inneber å vere medlem i rådet i forkant, og då kan 2 år om gangen bli ei lang periode å låse seg til. Til forslaget om valfritt med 2 år kjem Sebastian Gran Reigstad med innspel på at 2år om gangen vere ein fordel, for då kjem ein godt inn i arbeidet og kan følge opp ulike saker over lenger tid. Samtidig så kan ein også tenke at nye medlem som er engasjert og motiverte, vil gjere ein betre jobb enn medlem på 2.året som er lite aktiv og engasjert.

Lukas Bysheim Isvik kjem med forslaget: Utkastet blir sendt som innstilling til heradsstyret med følgande tillegg: Det er valfritt om ein vil sitte 1år eller 2år som medlem.

Theodor Solheim Gjenga meiner ungdomsrådet burde ha møte- og talerett i heradsstyret. Her viser han til andre ungdomsråd som har møte- og talerett i kommunestyret, og at det er eit tiltak kommunar kan gjere for å legge til rette for god medverknad. Dersom det er nokon frå ungdomsrådet i heradsstyremøte, så vil dette legge til rette for tettare og betre kontakt

mellom ungdomsrådet og dei som bestemmer i kommunen. Det blir også ein måte å «sikre» ungdomsrådet si stemme i saker som er relevant for ungdommen.

Theodor Solheim Gjenga kjem med forslaget: Utkastet blir sendt som innstilling til heradsstyret med følgande tillegg: Ein representant frå Osterøy ungdomsråd skal ha møte- og talerett i heradsstyret.

Votering:

Lukas Bysheim Isvik sitt forslag: Samrøystes vedteke.

Theodor Solheim Gjenga sitt forslag: Samrøystes vedteke.

Felles forslag om å endre formulering i teksten: Samrøystes vedteke.

UR- 19/21 – Vedtak:

Ungdomsrådet sender utkastet som innstilling om vedtektsendringar til heradsstyret med følgande tillegg og endringar:

- Ein representant frå Osterøy ungdomsråd skal ha møte- og talerett i heradsstyret.
- Det er valfritt om ein vil sitte 1år eller 2år som medlem.
- Avsnittet om heimel blir revidert av koordinator for ungdomsrådet.

Orienteringssak 1 – Orientering om OVGS sitt arbeid

Nina Rødseth, rådgjevar, og Vidar Tufteland, rektor, på Osterøy vidaregåande skule ga informasjon om deira arbeid for å ivareta trivselen til elevane. Dette er spesielt i forbindelse med koronapandemien, og dei har satt inn ekstra tiltak i vår og sommar. Her har dei laga ein trivselskomité med elevar for å hjelpe til å planlegge. Dei har allereie hatt nokre dagar med open skule, der elevar har hatt moglegheit til å vere på skulen å lage mat og ha andre sosiale aktivitetar. Dei har forstått det slik at ungdom ønsker ein plass å vere utanom skule og sport, og er open for at skulen kan vere ein slik plass. Litt restriksjonar med tanke på korona. Men ønsker å få til eit samarbeid med ungdom rundt sosiale tiltak, og er opptatt av å høyre på meiningane til ungdommen.

Dei gjer kort informasjon om forslag VGS har sendt inn til sommar på Osterøy, som er aktivitetar som er foreslått på bakgrunn av ein spørjeundersøking på skulen.

No er vidaregåande i gong med ei søknadsprosess om midlar til å sette i gang eit planleggingsarbeid om eit aktivitetsanlegg. Forslag frå VGS er området rundt Husavatnet. Dei vil gjerne ha ungdomsrådet som samarbeidspartner i dette arbeidet, og vil invitere to representantar frå ungdomsrådet til å delta på eventuelle møter. Dei kjem også med foreløpig plan på andre grupper dei vil gje moglegheit til å uttale seg om, som elevråda, råd for funksjonshemma, FAU, idrettslag. I tillegg er det naturleg å samarbeide med oppvekstsektor og sektor for samfunnsutvikling i kommunen, som dei seier har vore til stor hjelp frå tidleg av i prosessen. Dei nemner også prosjektet #allevilbupåOsterøy. Dei får svar 05.06.21 på denne søknaden. Og vil ta kontakt igjen med ungdomsrådet då, for å avklare eventuelt samarbeid.

**Ungdomsrådet kjem med tilbakemelding til saka:**

Er svært positive til arbeidet til vidaregåande, og syns det er spennande og bra at ungdomsrådet blir tatt med tidleg i prosessen. Kjem ikkje på nokre grupper som ikkje er tenkt på i forbindelse med medverknad. Heile rådet er positiv til å vere med som samarbeidspartner dersom søknaden blir innvilga, og kjem fram til at det er naturleg at nestleiar og leiar eventuelt deltar på desse møta.

Orienteringssak 2 – Orientering om sommar på Osterøy

Ungdomsrådet får informasjon om sommar på Osterøy og sommarskule frå Trude Tomren og koordinator for sommar på Osterøy. Dei har tatt kontakt med ungdomsrådet som ein samarbeidspartner i planlegginga av tilbodet, fordi det er ungdommen sjølv som veit kva ungdommen vil ha. Ungdomsrådet blir oppfordra til å komme med konkrete forslag til aktivitetar, i tillegg til innspel om promotering og praktisk gjennomføring.

Om nokon har spørsmål eller innspel på eit seinare tidspunkt, blir alle oppfordra til å ta kontakt med koordinator for sommar på Osterøy. Det kan Josefin hjelpe dei med.

Ungdomsrådet kjem med tilbakemelding om:

- **Forslag til aktivitetar som:**
 - o Musikkproduksjon er mange svært positive til, og syns det er positivt at ein allereie er i kontakt med kulturskulen om dette.
 - o Tenke utanom dei tilboda som er tilgjengeleg frå før av, som fotball/handball.
 - o Heller organisere aktivitetar som symjing, skating, gaming/LAN, koding, lasertag eller paintball.
 - o Er positive til organiserte fjellturar med aktivitetar som til dømes fisking, kajakk, overnatting i telt og mat.
 - o Redesign blir også tatt opp, og dette kjem fleire med innspel om at har vore populære tilbod på skulane.

Innspel til promotering og praktisk gjennomføring:

- For å i det heile tatt fange interessa til ungdom er det viktig at namn og formuleringar ikkje får det til å virke som stillesittande og «låste» aktivitetar. Kurs og sommarskule er ord som ikkje passar overeins med forventingar om sommarferie og skulefri.
 - o Grep for å tilpasse informasjonen kan til dømes vere å bruke ordet workshop, ikkje kurs. Eller redesign, ikkje sykurs.
- Det er viktig at informasjonen om dette tilbodet får fram at det er ferieaktivitetar, og ikkje skuleaktivitetar i tradisjonell forstand. Ungdom vil ha aktivitetar som gjer dei friheit til å bestemme sjølv, med fritt program.
- Oppfordrar til å ha tilbod om gratis mat.
- Oppfordrar til å vurdere korleis ein skal løyse ulike nivå på same kurs, som til dømes om det er kurs om musikkproduksjon.
- Promotering bør skje på mange ulike måtar, gjerne med informasjonsskriv som blir delt ut på skulane, i tillegg til å publisere det på sosiale medier.



- Når det kjem til tidspunkt for kursa er det viktig å tenke over klokkeslett. Det er nok mange ungdom som ikkje har lyst å stå veldig tidleg opp i sommarferien og om alt av tilbod er tidleg på morgonen, er det dumt.

Til å signere protokoll blir Sebastian Gran Reigstad, Elise Vevle og Theodor Solheim Gjenga valt.

Frå helsestasjonen:

Bakgrunnen for besøket er at vi ønsker å nå ut til flere ungdommer slik at de vet om oss og hvordan de har muligheter til å bruke dette tilbudet. Vi er også opptatt av at gutter skal komme på Hfu(helsestasjon for ungdom). Hfu er et tilbud til alle ungdommer i kommunen mellom 13-23 år. Vi er åpen hver tirsdag fra kl.14.00-16.30 og dere finner oss i Familie- og omsorgssenteret vis a vis bensinstasjonen i Lonevåg.

Med dette besøket håper vi at ungdomsrådet har lyst å komme med tilbakemeldinger på hva de tenker Hfu bør og skal være for ungdommen på Osterøy.